

JU INSTITUT ZA ZDRAVLJE I SIGURNOST HRANE ZENICA  
ul. fra Ivana Jukića br. 2., Zenica

Na osnovu člana 29. Uredbe sa zakonskom snagom o ustanovama ("Službeni list RBiH", broj : 6/92, 8/93 i 13/94), člana 22. Zakona o osnivanju javne ustanove Institut za zdravljje i sigurnost hrane Zenica (Službene novine Zeničko-dobojskog kantona broj 5/15 i 10/18) i člana 34. Statuta JU Institut za zdravljje i sigurnost hrane Zenica broj 02-529/15 od 04.12.2015. godine i Odluke o izmjenama i dopunama Statuta Javne ustanove Institut za zdravljje i sigurnost hrane Zenica broj 02-1851/18 od 20.08.2018. godine, Upravni odbor JU Institut za zdravljje i sigurnost hrane Zenica u skladu sa Odlukom broj: 02-618/20 od 13.02.2020.godine, te Odlukom o imenovanju Komisije za provođenje konkursne procedure za izbor i imenovanje direktora broj 02-619/20 od 13.02.2020. godine raspisuje

**J A V N I   K O N K U R S**  
**za izbor i imenovanje direktora**

Raspisuje se Javni konkurs za izbor i imenovanje direktora JU Institut za zdravljje i sigurnost hrane Zenica (u daljem tekstu Institut).

**1. Kratak opis pozicije:**

**Direktor:**

- organizira i rukovodi radom Instituta,
- predstavlja i zastupa Institut prema trećim licima,
- predlaže unutrašnju organizaciju i sistematizaciju Instituta,
- predlaže osnove plana rada i razvoja,
- stara se o primjeni finansijskih propisa u poslovanju Instituta i naredbodavac je za izvršenje finansijskog plana,
- pokreće postupak donošenja i usaglašavanja općih akata Instituta, te daje prijedloge istih prema Upravnom odboru,
- odlučuje o potrebi prijema radnika, saglasno potrebama i finansijskim mogućnostima Instituta, zaključuje ugovore o radu, vrši raspoređivanje radnika na radna mjesta u skladu sa aktom o unutrašnjoj organizaciji i sistematizaciji radnih mesta Instituta, odlučuje o trajanju, prestanku i otkazu ugovora o radu,
- odlučuje u prvom stepenu o pravima i obavezama radnika iz rada i u vezi sa radom, a saglasno Zakonu o radu, kolektivnom ugovoru, Statutu i drugim općim aktima Instituta,
- određuje i izriče disciplinske mjere u prvom stepenu zaposlenicima Instituta,
- izdaje naloge i upute za rad pojedinih organizacionih jedinica, radnika ili grupe radnika, a radi izvršenja određenih poslova,
- izvršava odluke Upravnog odbora
- osigurava zakonitost rada Instituta.

**2. Mandat:**

Imenovanje se vrši na period od 4 (četiri) godine, s mogućnošću ponovnog izbora i imenovanja u skladu sa Zakonom, počev od 07.06.2020. godine.

**3. Uslovi:**

Kandidat mora ispunjavati sljedeće uslove i dostaviti sljedeću dokumentaciju:

### **3.1.Opći uslovi:**

- da je državljanin Bosne i Hercegovine (**dokaz:** Uvjerenje o državljanstvu, orginal ili ovjerena kopija),
- da je stariji od 18 godina (**dokaz:** Izvod iz matične knjige rođenih, orginal ili ovjerena kopija),
- da je zdravstveno sposoban za obavljanje poslova direktora ustanove (**dokaz:** uvjerenje o zdravstvenoj sposobnosti za izabranog kandidata - **dostavlja se u roku od 15 dana od donošenja odluke o imenovanju**),
- da nije u sukobu interesa u smislu odredaba Zakona o sukobu interesa u organima vlasti u Federaciji Bosne i Hercegovine („Službeni novine Federacije BiH“, broj: 70/08), (**dokaz:** izjava potpisana od strane kandidata i ovjerena od strane nadležnog organa),
- da se na njega ne odnosi član IX 1. Ustava Bosne i Hercegovine (**dokaz:** izjava potpisana od strane kandidata i ovjerena od strane nadležnog organa),
- da se protiv kandidata ne vodi krivični postupak i da nije osuđivan (**dokaz:** uvjerenje nadležnog suda i nadležne uprave policije, orginal ili ovjerena kopija).

### **3.2. Posebni uslovi:**

- završen Medicinski ili Veterinarski fakultet (**dokaz:** orginal ili ovjerena kopija diplome),
- završena specijalizacija iz djelatnosti Instituta: za doktore medicine specijalizacija iz socijalne medicine, epidemiologije ili higijene, a za doktore veterine završen magisterij nauka (**dokaz:** orginal ili ovjerena kopija uvjerenja o položenom specijalističkom ispitu ili diploma o završenom magisteriju nauka),
- najmanje pet godina radnog iskustva u struci nakon položenog specijalističkog ispita za doktore medicine, odnosno sticanja zvanja magistar nauka za doktore veterine (**dokaz:** orginal ili ovjerena kopija potvrde o radnom iskustvu),
- da posjeduje znanje iz zdravstvenog menadžmenta saglasno propisima za doktore medicine, a za doktore veterine da ima znanje iz menadžmenta propisano za članove nadzornih odbora javnih preduzeća u FBiH (**dokaz:** za doktora medicine - orginal ili ovjerena kopija certifikata o obavljenoj edukaciji iz zdravstvenog menadžmenta (treći nivo edukacije iz zdravstvenog menadžmenta po Pravilniku o uslovima u pogledu vrste završenog fakulteta zdravstvenog usmjerjenja koje moraju ispuniti osobe koje konkurišu za direktora zdravstvene ustanove - Službene novine FBiH broj 77/17) odnosno uvjerenje o završenoj specijalizaciji iz zdravstvenog menadžmenta ili za doktore veterine - uvjerenje /potvrda o stečenom znanju iz menadžmenta propisano za članove nadzornih odbora javnih preduzeća u FBiH)
- poznavanje jednog estranjeg jezika (**dokaz:** orginal ili ovjerena kopija certifikata/uvjerenja/ potvrde o poznavanju estranog jezika).

Pored navedene dokumentacije koja se dostavlja u originalu ili ovjerenoj fotokopiji i ne može biti starija od 3 mjeseca od dana podnošenja prijave, kandidati su obavezni da dostave:

- program rada i razvoja Instituta za period od četiri godine (**Dokaz:** Program rada i razvoja Instituta u printanoj verziji a isti će Komisiji biti prezentiran na intervjuu) i
- prijavu na konkurs sa kraćom biografijom koja sadrži prikazane rezultate rada ostvarene tokom poslovne karijere u pogledu stručnih, organizacionih i drugih radnih sposobnosti, sa adresom stanovanja i zaposlenja, kontakt telefonom i e-mail adresom.

### **Dokumentacija dostavljena na konkurs se ne vraća.**

Svi kandidati koji budu ispunjavali uslove bit će pozvani na intervju. Nakon obavljenih razgovora sa kandidatima, konkursna komisija će podnijeti izvještaj o svom radu i predložiti rang listu uspješnih kandidata Upravnom odboru na dalji postupak.

Institut zadržava pravo provjere svih podataka i izjava i drugih dokumenata kandidata. Dostavljanjem prijave na konkurs kandidat je saglasan da se njegovi lični podaci obrađuju i koriste u svrhu provođenja konkursne procedure.

Nakon okončanja postupka i imenovanja izabranog kandidata, ostali kandidati bit će obavješteni o rezultatima konkursa pismenim putem.

#### **4. Rok za prijavu i način dostavljanja prijave**

Prijave sa traženom dokumentacijom slati na adresu: JU Institut za zdravljje i sigurnost hrane Zenica, ul.Fra Ivana Jukića 2, 72000 Zenica, sa naznakom „Prijava na javni konkurs za izbor i imenovanje direktora“ - za Konkursnu komisiju - „**NE OTVARATI**“.

Konkurs ostaje otvoren 15 dana od dana objavljivanja u dnevnom listu Oslobođenje, a isti će se objaviti i na web stranici Instituta [www.inz.ba](http://www.inz.ba).

Nepotpune, neuredne i neblagovremene prijave neće se uzimati u razmatranje.

Zenica, 21.02.2020. godine  
Broj: 02-722/20

